



Inatsisartuni ilaasortaq Palle Christiansen
/ maani

Asasara Palle Christiansen

Inatsisartut suleriaasianni § 37 naapertorlugu apeqquteqaatinik makkuningga Naalakkersuisunut saqqummiussivutit:

1. Kalaallit Nunaanni sulisartut tamarmik sulinermik nalaani akunnermi ataatsimi timigissartarnissaannik Siumup qineqqusaarnerup nalaani neriorsuutaa Naalakkersuisut piviusunngortinniarpaat aamma taamaassappat siunnersuutip piviusunngortinnissaa qaqugu pissanersoq Naalakkersuisut naatsorsuutigaat?

Aallaqqaasiullugu maluginiaqqussavara, siunnersuut Siumup partiiata tamarmiulluni saqqummiussarinngimmagu, isumassarsiarli qinigassanngortittup ataatsip nammineerluni saqqummiussarimmagu.

Qitiusumik allaffeqarfiup pingaarnerusumik suleqatigiinnissamik ataatsimiititaliaa Naalakkersuisut nutaat atuutilinnginnerini aalajangiuppaat, suliffiup nalaani timigisartooqartassanngitsoq. Taamaattumik Namminersorlutik Oqartussat 2013-mi suliffiup nalaani ulluunerani timigassartalermissamut sammititamik neqerooruteqarsimangillat.

Maannakkut Naalakkersuisuusut tunngavissaqartinngilaat sulisunut tamatuma tungaatigut politikkip allanngortinneqarnissaa. Inuuneritta II, Naalakkersuisooqatigiiler-nermik suleqatigiissut nutaaq aamma ilisimasanik tunngaveqarluni nutaanik ilisimasat aallaavigalugit Sulisoqarnermut immikkoortortaqarfiup Aningaasaqarnermut Sulisoqarnermullu Aqutsisoqarfimmi inassuteqaat inaarsalersimavaat Namminersorlutik Oqartus-sani peqqissuunermut atugarissaarnermullu periusissatut pilersaarut, tassunga ilanngullugu aamma timigissartarnissamut. Pilersaarut naatsorsuutigineqarpoq piviusunngortinneqarsinnaasutut taamatut suliniutinut aningaasaqarnikkut sinaakkussius-saasut iluini.

2. Kalaallit Nunaanni Namminersorlutik Oqartussanut, sulisitsisuusunut, qanoq akeqassava sulisut ullut tamaasa suliffiup nalaani timigissartittarnissaat?

Apeqqut 1-imut akissuteqaat naapertorlugu Naalakkersuisut pilersaaruteqanngillat suliffiup nalaani timigissarnissamut sulisut tamaasa akunnermik ataatsimik sulinngiffeqartin-neqartarnissaannik. Taamaattumillu aamma taamaasiortarnissamut atasumik aningaasartuutit naatsorsorneqarsimanatik.

14. november 2013
Sagsnr. 2013-087306
Dok. Nr. 1296265

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

3. Siunnersuummik piviusunngortitsineq namminersorlutik oqartussat sulif-fiutaannut kiisalu kommuninut qanormita akeqassava?

Naalackersuisunit siunnersuutaanngimmat saqqummiunneqarsimasoq imaluunniit piviusunngortitassatut naatsorsuutigineqartussa, Naalackersuisut aningaasanik immikkoortitsisimangillat tamatuma piviusunngortinnissaanut atasumik aningaasartuutit naatsorsornissaannut, aammattaaq kommuninut aamma Namminersorlutik Oqartussanit pigineqartunut aktiaateqarluni ingerlatseqatigiiffinnut tunngatillugit.

Inussiarnersumik inuulluaqqusillunga

Vittus Qujaukitsoq